



有懷堂集目次

卷五

詩古體 共三十一首

茅青青 四首


廟享歌 三章

奕葉蟬聯 三章

望嵩山

和彭楚澤元日雪韵

和毛子霞初春韵



和劉望之濟園讌集韵

甲辰秋壽覺海社臺

神樓篇

慨嘆篇

名宦詩 四首

詠懷詩 十首

詩 五言律 共六十首

一葉落初作 十首

一葉落後作 十首

糟頭飲 十首

冬日小集 二首

和覺海社臺室中盆梅 四首

中夏看月次韵 四首

壽子登年臺姮娥御鳳圖

和嗣炎年臺蓮花韵

答戴寅兄畫扇索詩

賞菊得先字 四首

重九次子雱先生韻 二首

澹園雪後次項道臺韻二首

同友人送客久待澹齋率去澹園戲占二首

龍門咏和汾亭先生韵

賞芍藥分香亭

九日得九字

次若園社臺菊韵

送毓華年臺北上

送持三年臺北上

已春南旋途遇文青社臺北上喜甚率贈

詩 五言 非律 共九首

嵩高篇 二十韵

戊戌杭郡壽范夫子 三十韵

凝香亭賞牡丹 三十韵

凝香亭前韵之二

凝香亭前韵之三

送代工學士宗臺西祀 覆命 二十韵

和若園社臺元日共話 二十韵

看月排句 四十韵

有懷堂集
題晚岑樓四十韵

五卷目錄

有懷堂集卷五

平水王永命劬庵著

詩古體

茅青青 四章

丁酉

茅青青露靈漫堯之臨勳圖爛御土枕歪水滂龍穴
阻奩巢岸朱鳥來青鶴諺雨吳甘風獲渙開四塞啓
兩旦括采椽帝堯衍

茅青青弗掬蒂堯之升斥素製宅芒芒廣運系儀帶
帶九官締作占時息日颺萬民章百祥而衍上行惠

下濟仁如天稽古帝

茅青青風櫳畧堯之宮鶉居若拓伊宇覆伊颯雲作
帷鳥輓閣山爲案川取勺食爾耕飲汝鑿治休休俗
噩噩大無爲神守約

茅青青陶壘質堯之階就如日作之君懸之室富不
驕貴不溢端露冕勤雲蹕戒杆梓世皇拈茨弗剗草
弗恤昭爾極帝無逸

廟享歌 三章

天祚虞屬佐令維寅毅力贊政綏厥兆民績高墉堞
懷著河濱勞來歌召子惠頌郇父母烝哉久而愈新
爰躋孔廟式用肇禋以享以祀之德之純佑啓爾後
福祿是臻

群賢流煥列宿讓先名燦一櫝宦馨八埏愷悌君子
功懋陸川爰陳圭幣載脩牲牲靈壇增色玉署著篇
嘉樂殷薦令聞彌延德輝高拱百代攸懸靈祇奕奕
於萬斯年

盛典聿新明明光大於赫德音榮鏡無外薦展華擎
 風懸清蓋黼構昕張芬枝榮霽助寶奠楹耐珍克會
 古樂既宣嘉禮未艾厚而愈光幽而彌泰祀事孔明
 皇慶昭賚

奕葉蟬聯 三章 丙午

奕葉蟬聯七八叢玉柯奕葉蟬聯七八叢玉柯天錫
 繁枝英緒上拖人祝篤生偉蔭下那歌以頌之七八
 叢玉柯

昔聞公家世濟多忠宣昔聞公家世濟多忠宣純熙
 養氣有翁振前慈和繩祖有孫象賢歌以頌之世濟
 多忠宣

德庥造符光大信可期德庥造符光大信可期庭豈
 旋馬堦餘香芝戶真集鱗續重玉璫歌以頌之光大

有懷堂集 卷五
信可期

望嵩山

維昔嵩山高維今嵩山美高美若一時於焉識中理
中氣纏山巔中靈護山趾自然神異生未許爲嵩侈
我視山頭月浩浩無與比五嶽共寰區胡爲宗中峙
建中長群元萬物從此始睇矣嵩在望亘綿豈易紀

和彭楚澤元日雪韻

元辰瑞色舞瑤封猶是鴻恩新未同一道陽輝浮霍
巘十分靄氣度嵩峯霜飛栢署梅含潤素鎖薇垣柳
帶豐眼絜惟歌水澹澹源清偏頌露濃濃將無帝里
來神伯儘若中天任岳公不計民謠傷古化只今到
處咲春風

和毛子霞迎春韻

春意不徒來迎之隨客至春風帶墨烟四座暉光媚
地氣每先南梅芬携早翠歎沙叶馬歌疾點花如駛

孤鶴昂霄飛雙霞洗滌墜自南自北連如珪如璋
意氣薄春壘快譚叢夜媿願言乘景遊春日不留
遲徒倚上元期春觴須取次

和劉望之澹園讌集韻

遨遊極曠渺滄海還衣帶逸氣來宣城奇佻逼華蓋
維彼不世材聳聳竦孔檜惟茲不世音噤噤發爽噦
眇麗齊道原櫺夾軼國沛是地可緝聯幽蘭時廣賚
何緣澹園中遙揖群龍會清商動吻前浩蕩窮目外
天吳震元聲諸子賡全籟絲竹節嚶鳴金石流瓊貝
人傑地忽靈池亭不必大慙慙引斗庖醉豁蓬心艾
流連忘西園雅集敢茫昧展轉列七子主人殊狡獪
微風觸江波逡巡遲亦最徧茲續貂篇捉詩酒以酌

甲辰秋壽覺海社台

姑射山頭月正好桃花洞口拾瑤艸拾來瑤艸疇獻
禱文憲臺前慶壽考席公備號播當年銓拜知人荷
其肩朝元閣上詩滿編詔定冠冕誰與先大夫生來
本系晉擊壤老師看嫡胤千人稱豪萬人俊八百同
登大士印大覺樹植大雅堂一家機軸織文章馳驅
屈宋鞭馬揚球瓢賀錦相隨將伯子文心過於膽四
却牙籤只一覽孫枝奕奕露玉糝掌珠嗣出來天感
覺甫存心獨以仁常憐六月情不真兩地司李一若

神渾是臯蘇之後身
 祥刑懿則徹夜讀
 秋曹平反恁自熟
 芙蓉鏡下玉音馥
 喬木鶯聲報遷谷
 與來抖起衡文衣
 川南川北獵一圍
 蜀文幸在近紫微
 劍閣造就翠霏霏
 秉鉞躋樞指日報
 長庚太昂煌煌照
 疲臂蕪詞殊艸料
 狂歌七月博君笑

神樓篇

贈見田羅年台作

君不見仙人葫內神
 樓散養命養性人
 樂衍金匱玉版等閒予
 妙術仁洩寧虞斷
 又不見神手藥石無
 易薦裁制天人只一線
 視色視毛不樹名
 奇情翻倒懸壺濺天醫
 謫星迥非常聰明特
 達疇可當宣暢曲解
 岐黃奧得心應手撮
 文章仲景偉人飛玉
 屑六徵四難低一切
 低徊近世遡先天神
 明經傳惟達哲蜀浣
 先生儒之英賢書宿
 薦元理精素問準繩
 當身具達駕西昌俞
 子評博學久悉陰陽
 較淵識更研君

臣簏往年曾飲上池清今日勺水援我蹙我蹙一載
仍有竒黃連一注沁寒脾知公袖裏有鴻術氣純愈
速信相宜銀丸金液旦夕瘥走獺出蛇敢附會醫國
應奉朝請班造化生心調燮賴

因嘸嘆哭女篇

無限傷心事徒增嘸嘆聲忽聽含愀女隔牆嘆如碎
彼亦出嫁子疼父氣惻惻哀哉我女兒豈無疼父鳴
聰明由性賦孝順自天成絕與俗事遠不爲身計迎
夷恬包男志幽靜遡女貞寧勞思無斃不識絀與盈
寧朴思無議不矜和共清恐貽親顧復氣量胡能名
知解勤和慎訪模於蘭煥因習書與禮問道於豚生
雖無魯母績遍詣機杼營雖無衛媛帖常立倣格程
兼習烈女籍粗知附賢旌暗誦四子註略曉嚼聖羹

何所教而善何所粹而瑩矯矯匪飾節娟娟無墮行
悔我不訓女辜負爾才英進憶女宜家恭順學孟擎
翁孺若善婦夫推嫻儀荆總無出汲事挾侈不留玠
總無饁冀跡肅敬素所明姊妹依苾蕙妯娒佩香蘅
親疎譽若券內外嚴如楹作婦無多日嘖嘖遍間評
祇緣孝順篤俾我生也榮卑憶吾女孝嘗慮父心忤
未貌思辨色未事思怡誠預將父志忖嘿與父歡撐
不欲勿使告不樂無或縈出語愛銜理作用文旣情
抱此誠孝意足慰父生平豈知嘸嘆集吾女先已傾
嘆之緒如縷哭之聲似匄任我嘸嘆多隔世總不驚
任女疼父多兒命苦不爭因嘆滋長嘆哭女痛女嬰
不信但尋音節節嘸嘆更不信但逐响聲聲哭女瓊

名宦詩

四首

巳酉

頌范夫子作

清氣入雲軼才昭漢政懋堯天猷登文岸秀度朝麟
梟驅野豸有殘皆仁無昏不旦城少廢廬書多完案
上安下全驛蘓盜竄白日凝華青簡吐汗惟鏡擬明
惟玉比瓏三十四城萬口稱贊僉通衆謀祀列名宦
生芻明醪永勒裸獻

二

河東有股肱揚矣承西顧緬此晉風清攬轡澄夙霧
民憂日以除波靜砥還柱星隕何其早績成何其暮

舊政煥堯階新銜傍孔路躋廉名位安祔主英魂聚
禮樂几筵申鬼神報饗駐下民不盡思天地時呼籲
况我感懷傷文章叨素遇時來肅謁請望洒窮簷露
生歿總焚香人神同一炷祠前風雨來降福滋呵護

三

監司寄耳目屬吏側相尋朝漱平泉水夕瞻姑射岑
一時更愛牧千載洗冰簪汪濊徧輿誦潔馨餘仕箴
嵩巔日以煥汾澤日以深俎豆發清響矯矯邁古歆

四

車出大行左駕言澄河津睠茲百姓困敢爾復逡巡
世路讐反置居官喜賤貧激揚翻掌際在位悉召郇
國有崇祀典匪公誰與禋 廟有名宦席匪公誰與

新

詠懷詩 十首

草徑一何荒經年弗剪葺山來不復憑乘間恣出入
溪深獺意撩果熟猿情急拖錦聽隣家咬菜任邊邑
漫矜莊子夢退守愚公習物理信如茲無勞歎鼠泣

二

藐岵幾時颺倭僂石檻觸高踞燕天心曲旋環地軸
覲面芍風清宣聲松韻數還家臥白雲覓靜驅黃鵠
慙我紹聞遲嫌亭別寄促檢身信有方養性在無欲

三

幼時憎棄名併力學修路先正與群公紫子慮跬步
毅志輕波濤不避殘潮怒聳身萬仞巔研久性益悟
面目自昔來長年應知故俯仰足千秋兢兢寧復悞
四

冷霧南山來寒吹曉退却長安走馬回衰疲甚非昨
寄生真似蜉蝣枉自說靈藥雲壘句日疎寤枕夢徒酌
所媿在君親身世任旁落大道委當前憤餘還自覺

五

園公何所營遠計仍樹木破病須丹砂殷勤問骨肉
息心歎久艱閱世羞微祿赤文難譜蕉清節漫銘竹
雲在思言言山來願宿宿疇矜著述長贏得殘編讀

六

少年慵擊劔負氣倚貞栗學行本性生忠孝由心矢
齊賢軼古今問已爭得失天道好虛謙吾徒尙真實
桓榮抱書勞拾椳巖逸雲樹伊川明低徊莫浪筆

七

春月憐花朝暑寒由此注振衣念同遊願自垣中遇
倒擲珊瑚杯斜傾瓊屑句起舞弄輕影恐滋天上懼

斷響若鳴灘停音疑隔羽晚風岐路昏俾我心懷瘡

八

山頂看行雲朶朶拱雙闕灑氣尙凌空清光到處歇
萬緣消蜃霞一意攜冰雪縹緲琳瑯鄉夜除醯醢樾
忽地玄髮蒼輕心白眼咄照臺暮色晴皎緒仍披月

九

丈夫志瀾天匪氣莫能濟荏苒鬱胸隈曷云曩日銳
不堪湊語言但欲持風義鋒銛韜古裝鎔鄒炫時製
仰邇昔賢豪深沉在晚歲臨風肆短歌暫博心顏霽

十

何時盡怡顏雕斲心良苦呀然胸臆開復我藏書府
鐵笛唱晚騷金徽延太古飲若醺醪醪食馨麒麟脯
撫裘憐千腋吒石拓百武拂帚掃蓮房聊將清氣補

詩 五言律

一 葉落

初作十首乙巳

一葉商飈下河山入早秋
火鶉隨暑歇石鴈感時留
御氣徒知爽宣蹤浪得遊
何當司矩意已送半函愁

二

審聲方擬賦忽破一牕秋
石鼓文風杳金庭艸露留
情深懷古昔識淺媿交遊
不見石城樂徒教嘆莫愁

三

劣意偏炎上剛來一片秋
煎熬繁絮歛膳倒素篋留

多慮矜身滯少謀惜後遊
鳴綠底事喚起五城愁

四

那堪時序換率爾又成秋
病鷓長吟發寒蟄碎語留
晴絲牽北度雨葉逗南遊
檢點買愁集將無今日愁

五

妄想追嘉遯淮南葉下秋
註莊徒慕郭師石久儀留
未許銘高臥偏思賦倦遊
美人天際遠渺矣予懷愁

六

梧桐雙影迤石葉亦飛秋
歲月牕前擲溪山檻外留

開心拈冷句掩戶晤雲遊
漫自矜豪飲香醪未敵愁

七

出落一何早茫初艸著秋香
來花杵碎雲過石床留
褊性疑多悞迂情信少遊
天風何禁惠不下籜園愁

八

閒堦橫古影倏逗滿空秋
迦奩桐先遇賡冊柱復留
讀書澄道氣跏坐度天遊
意絕神冥處一般剩有愁

九

乍湧冰簾色垂垂碧幌秋
躑躅殘屐放拓畧短筇留

有懷堂集 卷五
遇蹇中常結酬勞夢亦遊秋心知也未儂已不勝愁

十

飄零人侶葉興發轉憐秋任澹來時棄耽清恃月留
繁音甘換節暮影賤虛遊未易舒高眼蕉心耐展愁

一葉落

後作十首荅初作解其愁也

不測洪濛意矜觀艸木秋氣來形驟卸機過化徐留
葉曆連風動星經逐歲遊盈虛原自爾紀物漫生愁

二

何時流覽盡一葉肇三秋未詫清華老懸知乳翠留

洞庭矯異蹟薄海幻奇遊祇此空階影無煩域外愁

三

孰撥雲根靜旋來影度秋訝予猶子視怪爾未同留
獨可鋒之陷誰甘旅以遊方嘉除落早寧傍落花愁

四

乾坤甘自寂木葉響蘭秋銜令方知落待時久見留
風輪點點舞雲脚單單遊悟道曾聳偈誰遺觀者愁

五

啼笑千腸熱悲歌一陣秋且須蒙霧去未敢遡風留

無眼邀深顧有根試淺遊不飛其孰戀往矣豁予愁

六

飄然隻影下引旆爲開秋暑澹蛻疑遁涼增樹欲留
清如一介與迥侶孤霞遊水氣飛星羽莫追枝上愁

七

葉下餘無賴眉間別有秋醉心梧可語娛意石能留
薦葦羅新味聯篇著慎遊高雲清靄互慢盡幾層愁

八

洞口吹雲葉枝頭看落秋凝清金井通引素白絕留

注水靜猶動圖山坐亦遊人生總恁此落落未云愁

九

物候尋常改偏驚一葉秋新沙幾道隱古石半痕留
貝自曇前悟蕉從鹿後遊同醒葉底夢何事轉銜愁

十

若復無神理全凋未是秋只須一箇好因有衆詩留
子羽慙頭臥淵明問影遊拚將心大小不向澹邊愁

槽頭飲

十首

乙卯

溜急春難閉餅開徑弗閑一杯梭榭月雙屐引峯山

飲自馨腸合詩緣醉吻還舊游知未倦沅灩爲君攀

二

夜靜槽猶濕客來響早聞玉光澄滴露香氣雋吞雲
喜向鬢前聚愁從醉後分楞嚴倒筆瀉欲去尙論文

三

諺語神益註葛巾不用漩苦頭嗜雁雪凍意舞梅天
桂調抽毫供魚羹帶夢傳莫尋桃葉渡拚取醉花船

四

孰撥乾坤悶槽流吊盡愁客嘲雙霍漏賓戲光川浮

浙瀝矯清拍玳鉤盪翠甌等閑濯足會未易侈新杯

五

承觴若箇勝傾倒玉池瀾葉渡流霜碎花源滲雨寒
騷憑槽脚瀉曲倚甕頭彈不似王戎舞朦騰醉裏看

六

快覩杯中物忽從座右流唐人歌歲晏良士樂中休
翠榼缸前遞椰瓢石外收醉鄉清味結投分娛糟丘

七

誰家白墮遠細漱紅歌輕杜曲翻新色流觴疊古聲

有懷堂集 卷五
枯腸醇以雅道味淡而清寄語承醪客無卑身後名

八

狂鑿詩瓢斷渴開酒注圍晚驚糟性健閑愛飲脾肥
放起七賢蹠粧成九老衣願言持榼友不醉斯無歸

九

發興尋槽漑客酣我亦云睡耽千日酒歡溢一朝醺
碧溜饒風度青函動水紋流漸曷有極樂此欲爲群

十

高會槽頭始興豪逐次同寒溫竈內氣開閣甕邊風

解飲青裘紗推杯白髮懣來朝如有約一意賦江東

冬日小集 二首

有興烘冬日相逢不計期雄譚寧避數儉叙豈謀遲
教誨古詩訓飲之且食之歎瓊馬上至雪瑞是今時

二

憶昔羔湯冷欣將糙麩炊椒羨溫淡吻玉酒獎廉脾
晉句掺唐伯吳歌襍越兒好尋愛日會入夜莫云疲

和覺海社台室中盆梅 四首

冷然高致在招我共由房任素能兼雪耽清可剩香

石湖初誌綠海粟尚賡黃濯骨川江後稜稜競老粧

二

梅蹊何處是一室闕先春三爻曾居殿百花已珥新
南曹遺意遠東閣歷情頻久蘊和羨藉和羨恰露娘

三

每羨精神好相觀逗早梳疎來姿訝澹瘦去影疑肥
月向紫華注蝶綠粉蕊飛憐香知有伴坐對思依依

四

清齋多韻事玉萼盛幽盆屋蔽袁豐幕廨依何遜根

靈山春拂舍庾嶺信連村賴有花盟句醉吟不計昏

中夏看月次韻

四首

看月尋常事當炎景亦奇翻新傾李酒摹舊出劉詞
痛飲邀先早朗吟瀉漢時峯峯憐月度達旦未云遲

二

皓魄當前問應言今夕時笛聲傳素女霧縠縱偷兒
令監嚴而雅觴司迅以遲淋漓興未盡醉後欲臨池

三

客來添月興添酒客更奇幻出翻秋令裁成酌月詞

水團炎亦冷亮采夜偏時坐上瓊吟滿賡篇莫訝遲
四

一般清意味今夕較云時領氣怡光輩同先襍小兒
峯頭流灑早月際照眠遲醉咏龍池句不須更倚池

壽子登年臺姮娥御鳳圖

月瀉丹楓夜雲翔白石秋鳳鳴驚翠幄鶴舞宕黃樓
剝枣火痕動當杯亮采流年年娥抱冊慣約廣寒遊

和嗣炎年臺蓮花韻

不是瀛臺句何緣荷在中滌池清以潔黼座婉而風

敷采垂青簡嘔絲動碧菱他年連賜照已卜膽餅東

答戴寅兄画扇索詩

憑誰研画意出落供偏竒幻就雲林墨呵成摩詰詞
千章欽古木百頃毓新湄本是遂良筆風吹到鳳池

賞菊得先字 四首

抱節心常古凌霜致已仙骨從秋水浴面向玉山圓
遲望尋身隱推名入史先合來圓嘯興吞吐殊騷然

二

飭清堪擬聖任澹果稱仙籬破逸情合辦分秋候圓

豔留溫轉冷煙舉晚還先未許花魔舞憑風醉亦然

三

曾聞花解語而况此花仙纔近登高節端爲清嘯圓
含芳不歇後角韻許爭先漫說秋偏麗物華本自然

四

識得尋秋意方知花隱仙凌霜清且傲振彩秀而圓
上苑流馨後東籬出色先淵明千古在栗里尙依然

重九次子霞先生韻

二首

重陽月裏訂不是探籬來雨細詩淋壁風酣菊送杯

九鴻偕逸采雙驥別竒才眺望西峯勝神傾姑射臺

二

移樽登別阜興到亦豪園坐徙峯疑轉杯添鳥欲言
賓嘉崇阮放僕遁賴陶存指顧寒雲暮花明路未昏

澹園雪後次項道台韻

二首

雪心憑孰寄冷冷澹園情折傲寧呼石羞狂任倚楹
疎禽誘白眼野鹿報黃聲寒嘯初增興萬山粉黛傾

二

不恙毛裘禿青衫濕並流如香夢裏啄矯白望中留

有懷堂集 卷五
對雪常圖立卧書可當遊調高真欲試檢譜奏遺休

同友人送客久待澹齋率去澹園戲占 二首

仙令出閣未偷靜復談閒近酌園中酒遙酬戶外山
風來繁欲住泉出火更刪果是清涼地相將不忍還

二

前園一徑別飲水看流觴蒲菜羞盤澹秫醅領案荒
衝林遊柏榭隔岸望魚塘不用頻呼酒客驄早逞韉

龍門咏和汾亭先生韻

天空一柱峙地劈三門分序派注崙海學淵滙洛汾

蚩川龍渡影禹壑馬濺雲點染蓉湖筆長河雪浪聞

賞芍藥分香字

婪尾春餘艷呼名認解倉銅盤覆玉秀艸帶剩金纒
月冷印斂股酒温盪寶粧花狂今日醉疇復贈之香

九日得九字

劍閣十年秋而今恰又九攬高不獨高樂酒仍欣酒
目上曠如看領前方似口願茲登眺身九九未云久

次若園社台菊韻

菊圃淡無色詩芒若喚聲纔歌甘谷塢忽嘯芙蓉城

葉大秋留徒節高霜透榮舉英遲老眼渾是探花情
送毓華李年臺北上

珂里英才妙仙膺赴上游剛離金鳳署旋掌玉尺樓
雁頰六曹重崇輝一譜收他年課績處定著時雍休
送持三蔣年臺北上

著書多未讀率爾送君行前路猶霜雪春衫莫遽更
鶯鳴符署望鳳彩佐

朝清銓部一時美二難噴並名

巴春南旋途遇文青社台北上喜甚率贈

望月思文友當塗擁旆過青宮延作賦玉砌待鳴珂
品壓龍門峻書嫻鵝陣多遙車言邁至無復戀巖阿

五言排律

嵩高篇 二十韻

旨達登山韻風清仙館寒玉漿歎石臚靈藪真真巒
花自貝多芾翠從珠于攢潛翁頽見漱玉女帛瑩瀾
峯影晰車蓋趾賒飛泉杆營堂時度草少室久培蘭
塔峻魯留跡海深夙引湍從嶠干盼注萃嶽一行看
阿鬢未迎紫鍊師已會丹四垂皇有極五嶽妙無端
天柱執中運神峯御外觀吟嶙同下受踔絕盡平歡
潤物無川職成天駕岳官崇宏崑以嶺舒勃廉而寬

望處聯星象瞻時晤斗盤不騫鰲載固長峙鶉輿完
居靜塞雙大光明配一丸降神申甫最應氣李盧弁
吐納龍潭素吸呼鹿石安綿綿千百襪常向此中蟠

戊戌杭郡壽范夫子 三十韻

北斗奎垣迴中山壁室淳干霄看古檜引海窺竒鱗
江濶河增潤嵩高嶽薦辰世推黼筆籍家轉繡衣
揆度秋餘癸摘星月望寅學恭孔孟席理曳程朱紳
磊磊文章伯恢恢武畧臣全材俾治世大雅慶宜人
威力完西晉弘猷燦北辰飛芻盡日聖上馬咸云神
五陣金麈素七擒露布頻奠桑輯變鳥推莽隸寧麋
隼集王幟赫龍函御指親起家曾習禮儲國動巡仁
督糗南江召滋芑西野郇錢江彈壓遠吳嶺廓清新

地職旣還袞天高必借恂三公幄望久一范闔譽陳
豁達王公冕調和君子綸丹池太乙濬玉洞長庚申
直道膺休眷嚴精剔絮塵尋源辟穀假凝氣樂天真
入室全先覺趨庭美後因早占顏氏訓已列孔叢璘
紹述踵蘭署傳聞多桂隣教思延九澤道味歷千春
疎骨風雲短蓬根雨露均詞源常媿楚花徑翼明秦
石髓領沙識青泥飲滌醇萬松温峪厚秋月恒重輪

凝香亭賞牡丹

三十韻

出洛名千里分彭藻一時胎疑興慶育種似慈恩移
國色承歡素天香曳醇遺遠推姚魏譜高咏蕙蘭詩
思拱金箋笑難銷玉笛詞千回媚黛斂一捻嬌姿歆
絳藥丹砂片彤英火焰旗澹妝饒皜素腥度浮臙脂
綠蒂閉還靚粉腮暈復宜青衫籠翠袖紫幘冠瓊綬
側態情無限旋身力不支濃華沉露久輕豔璃光遲
緬想衣裳勝如觀雲霧垂風傳香遠近日麗影參差
幻幻夢仙朶盈盈湘女肢芝房霞護臉菱砌月凝肌

芍藥侍馨賤芙蓉傍錦卑
慈菴妃子帶杜若王孫枝
柔膩逾雲葉芳馥傲草薺
比奇諸卉妬衡艷衆香疵
戀蕊蝶魂顫吸華蜂性離
晴曛蒂芽萃烟逗蕊芬隨
腸斷昔曾切惜春今不衰
長安花夢遠富貴欲何之
坐對花王語行吟檻史吹
牙籤療寂寞翠羽伴凄其
解意旣稱我阿馨更詰誰
景陽春日暮榮落隔年期
積歲人將老花光拂面絲
流連春不去清氣結心知

凝香亭前韻之二

戴木雙名古附金百兩時
擲華屏北記選艷洛西移
雲色啣春住香魂逐曉遺
爵崇三等序品壑百花詩
莫咤宋師幻休辜韓令詞
鬱金裙輒舞雕玉珮常歆
宛宛輕黃翼柔柔淺碧旗
晶盤搖冷月珠屑襯丹脂
側正暈偏異淡濃顏轉宜
烟籠妃子黛錦幃婕妤
背日愁微斂當堦倦故支
花簾徙倚久草迳遊觀遲
罷筆聽花語起吟憐露垂
歌鍾嗟爛熳幕屋慮參差
勾漏重葩面隳僂嫩蕊肢
鼠姑驚捲萼鹿韭漫侵肌

清聚四香畏籠增百寶卑曲高學士掌繪極美人技
動盪舒釵股低斜訊艸離穠華長見褒香豔詎能疵
薄媚朝前萃深媽午後離煎酥遽忍去醒酒每相隨
解恨情奚悵追歡意弗衰月陂堤欲往棠棣坊欣之
睡態芳容藹風鬟逸氣吹何陽撮早影入夜問何其
買咲旣稱爾如啼將証誰紅牙賡始調綠酒蘸後期
綽綽凌塵絮霏霏吐餘絲凝香春宛在遮莫慰相知

凝香亭前韻之三

朱槿推芳日木蘭避豔時淡殷赫血判背向訣迎移
水際含稜起竹間抱蕊遺包羞羞入画寓諷諷形詩
雪魄矯新句蟾精釐舊詞恨沉蓮萼墜暈倒檀心歇
影度若橫幕莖揚同豎旗辭頭鋒透翠花口手銜脂
臉霧紅偏麗裳雲紫獨宜絲房吐夜媚秘總冠春綏
取獻群增韻分遺子自支先春承露早天外抹霞遲
周圍青緣著歐家碧蒂垂顫風嬌婀娜多葉蔭參差
灼灼硃砂顆嬌嬌翡翠肢御袍腥撲面錦被爛籠肌

不識中宮貴猶疑禁苑卑千層甘艸蒂一拂延安枝
金粟咽平露玉樓障屈離綠苞苔滴嫩粉盡雪融疵
素采蒙江蕙濃烟駕可離宣華榮辱異蘊馥重輕隨
唐鼓合標最隋歌應起衰檢序擷芳在憑欄試問之
繡妝千本競雲陣一堆吹彷彿衆香寺我來賦樂其
惜花不但我悟俗欲猜誰莫放鹿啣假終逢馬逸期
錦圍烘白眼翠蓋換青絲若箇繁華悞等閑春不知

送王代工學士宗台西祀

覆命 二十韻

通天望石壁到頂聞齒香碧磴沿崇削雲泉挂瀑漿
雁峰供帝座蘋采下鴻閭肇祀少陰啟昭功秩典常
撰毫驚鳳藻弭節看龍驤兼祀應齊勅分差合併將
緬茲濟濟士疇奉西華璋精選內堂彥特宣入谷廂
煌煌軒帝樂赫赫巨靈光雄鎮竦仙艸群山附下陽
薦誠連玉女遍禱迺周康御炷方熏漢宸函又告唐
魏文合旅盛川瀆同禋彭南望蜀江碧西遊秦嶺蒼
雲標太白上龍駕子先傍翠積諸陵峙歡騰沅渚長

萬年

雲母慶千載

前星揚協氣光芒動徽聲浩渺彰行行

廷命報肅肅使臣颺

帝曰明禋貺集庶賴爾王

和若園社台元日共話

二十韻

乙卯

天垣纔入乙歲德早歎陽曉靄雙園媚春騰三社長
辭從珠海瀉竿向玉山觴兔窟芳香稗龍津快穎蒼
三元躔旦氣五閏闈餘祥出震誰司斗分黃得姓張
西都祭酒重北闕獻書揚豁達宏詞蘊紆徐大道彰
斟蘭陪漢署剖竹憶河梁論學能無教砥行信有光
翰飛寄榻外星燭半爨旁裝月流新韻長春賦舊漿
槽頭吟斐斐觴令語莊莊唐人供指示晉土任低昂
慧業冠諸子文心脩百常一切英華繡三生禪性良

多歡饒咲果渾俗納圓堂椒頌媿冰韭低徊殊未遑
達人敦素節長律報春王蕙艸驚青色躊躇不就章

乙卯中春看月排律

四十韻
韻冠

首二句聯句元

淡交貞聚散意氣貫升沈纔入芝蘭室便賡君子林
西園十六爻坡老冠華簪東壁鶯聲偶耐庵道味深
靈山方引駕毛子數相尋豈意花朝會澹寧名次森
古今爻異代先後尚同心敬業饒攻玉樂群裕斷金
前賢挺素幘我輩擷清襟品詣期無忝身名願共歆
虛廊占宿位歷落動高欵皎魄流香注泫漿搗翠斟
娟娟凝皓色澹澹滴濃陰孰領聯珠唱咸從揆海潯
春風興易抖夜讌詩難禁點撥催花意鋪揚問月任

流觴抽短令，弄影試長鐔。清瑟風翻曲，碧簫水宕音。
不知徐氏邈，空羨王家謚。應有紅雲醉，差無白眼臨。
金蛻霏夜篆，玉屑撒春砧。婉轉遊龍句，依稀象鳥箴。
搏風垂點畫，承露戴明欽。地迴晴霞護，天高永漏霏。
飲桑欣倒白，踐艸覺遙黔。紫氣連芳谷，丹霄披朗霏。
渾忘月裡駭，祇解花間吟。大雅千章秀，晶華七寶琛。
管城何壯壯，墨瀋更淋淋。不憎渴脾鮒，寧嗔飽帙蟬。
褰蘭座上珮，敲竹杖頭琳。快覩騰潮馬，休言偃海鱣。
斗牛銜影向，箕畢歷寒浸。尊爛二園艸，桂消三逕滌。
故人譚斐疊，伶子扮聾瘖。醉瀉傾三峽，歡追泯四參。
玉融開照座，金峙合虹岑。席地倚花藉，幕天橫月衾。
踟躕纔下鷺，睨腕忽聽禽。但欲春蟾吐，莫將暗蚪愔。
花光曾并酒，看月到於今。

題晚岑樓

四十韻

枉說仙人樓嘗爲俗境礙何來藐岫飛早作西山對
元氣引丹巖峭嶙凝碧槩岌嶮上際通曲汐寒磔塞
雪嶺鶴痕翻烟岈虹影配竒峰崕谷扉遠縹環天外
鳳蘊騷人簪鸞歌素女黛嵌楣暮歛霞雕拱霄沅霈
攬秀翠方盈擊甌清未艾日中不解唵山下幾疑昧
泛月詞干暗遊仙賦半慨興餘文選齋技擅逍遙會
負疚追名賢勞生慙大塊高明程氏傳博厚文公載
入室課純修升巔研嗜愛勤澁白雪精飽酌紫雲靄

懷范志何殷慕蘇型欲再銷憂四望歡低眼一天愜
幽意本長恢娛心明有賴胡床靜夜露破夢微風賚
南向見羨墻疇繁土陞繪迤西沸濫泉不旦河汾帶
高誦峇堯居俯臨清淺瀨依依獨上思久納嶠樓內
曲躋歎拘艱輕翹謝老大料無般若脆徒曳吟哦佩
欲免塵卑壘目窮千里蓋白雲拂杖旋青鳥連山噲
無上由身跂肯俾道念退漫矜四角全應照三叉碎
夕霧夜霞霞甘露時漑漑飲槽石溢馨看月欄增瑁
紅藥羅臺前綠萱樹檻背紉蘭旣倚芝附蕙豈云夢
學士願同文良朋希謫類星星天語聞朗朗樓楹琲
亟試一層觀寧將百尺耐婆娑舞漢班弄影乘槎輦
若箇晚岫樓一般翔故態遲遲山欲來冉冉雲常在

有懷堂筆目次

卷六

詩 七言律 共一百五十首

茅茨咏 四首

寺居遣興 四首

圓圓詩 四首

送鄒眉雪先生 二首

舟中秋興 四首

分水龍祠 二首

金山寺 二首

惠山泉

海口遇雨

海船東望

天津泊舟

村姑航汎

有懷堂集
過獨流淺

宿流河驛

滄州河中

越東五君過舟夜話

泊頭夜渡

水中雁字

清源停纜

贈君岌社長宰博

泛舟永壽寺壁韻

濟河逢丁松園

年翁聯
舟二首

遊南旺湖

次松園年臺遊湖韻

秋日過黃河理琴漫賦

舟中十四夜月

舟中十五夜月

季秋遊瓊花觀有感

亥秋會場畢同文宿南旋遇砥瀾北上感賦

亥秋歸途遣興

六首

徐河橋上望易水

定州道夾清風明月

戲
占

燕晉山連形勢

栢井道多石

贈吳子聲山人

客送畫眉鳥賦贈

答介長褐年臺

送李岷瞻年臺並謝

手
卷

旅酒同文宿話舊

安肅早發

真定道中

途中門菊

贈玉鑑上人

澹園友贈雙鶴漫賦

二
首

霍泉咏

長安卜寓

邸中酬雪

冬日寄懷汾亭

除夕有感

都門春曉

清明飲金魚池戲客

落帽

韋祠看海棠花過門扇觴於墻東

巢雲上人拉遊西山

未果

答若園社臺郎中詩韵

答子霞毛子贈詩

暮春簡三年臺攜遊休糧山依胡太守韵

二首

答古閩林子手卷

索詩二首

和河内董子贈詩

元韵二首

和覺老海棠冬開韵

送石者范子雪天歸試

送自忱董子雪冬旋里

和覺老十月雪韵

梅雪咏

梅藥

梅萼

雪花

雪片

雪珠

雪影

懷鄒汾亭年臺

答客山途柬刊彼我集唐别句並索新作

和石年年臺移札有感

贈朱喬三年臺登第

途答五君子見懷詩韵

重九澹園集飲郎事

舊店蚤發

再宿高碑

住安肅懷陞令聚吾臺

懋方順橋

慶都道雨

歇定州贈君實年臺

新樂道霧

宿伏城驛

獲鹿道中

固關 二首

過平定遊峪園 二首

仲春三日同人祀 文昌畢雨中過澹園聯韵

都門郊外看海棠小飲 上巳攜朴庵飲金魚池

同半石琢如世兄金魚池讌集

答瑞芝道宣年臺昊天寺韵 二首

遥輓九疑先生 炎暑若園仲宣過訪 次韵

夏日社集郎事 二首 七夕讌集得真亭和韵

中秋范師臺壽筵 菊飲得黃字 四首

再飲澹園尋菊賡韵 咏鶴限韵 四首

戊申重九同人登引峰次韵 二首

送毛子霞南歸兼賀季郎 二首

戊申臘盡送年觀火 和韵 元日讀若園詩贈跋 二首

澹園人日遣興 人日八友郊飲迎喜 次韵

上元擺八卦石燈因憶人日八爻 二首

元宵城頭遊人窺園偶成

有懷堂筆
元夕同人城遊偶遇祠前小飲復詣寧園看燈
上元後五夜梭榭同人酣飲郎事二首
壽開凡社臺八旬

六卷目終

有懷堂筆卷六

平水王永命劬庵著

詩七言律

茅茨咏

四首

丁酉和汾亭作

五鳳樓南散紫氛伊原土陛氣氤氳星臨素冕三眸
近露濕青裘十瑞分鳥骨輕開庭色曙蒼芒遠度曆
書文中天到處堪留史簪筆青青應俟君

二

曾羨菅茅纏玉臺龍蔥古色亘靈陔遙聞帝語垂雲

布忽隊臣鄰戴日開拜命喜同新岳牧舞壇欣蹈素
茨苔唐風奕奕生煙眇留逐汾臯誌古回

三

南國晴雲接帝鄉曲臺人玩茅臺芳竒逢夔友聯賡
浦好對羲臣和律長翠栢孤擎力柱漢丹文雨爛藻
垂唐知君故是休隆佐治牘先從伊社鷖時土階一栢一碑

四

堯甸同陞引薜蘿叢叢茅蓋幾曾過神風匝地留長
嘯麗日當天放古歌朴頌括椽椽采壯儉鳴土簋簋
雲多陶匏醉取邃初意太上羨梅看劑和

寺居遣興

十首錄四

白雲冉冉依僧廬去住無心任寄餘靜後誰叅機獨
悟老來我悔事多疎支言探索翻金葉傲骨磨馴聽
木魚山舍不知喧寂隔何緣更著絕交書

二

如何忽忽憇禪林薑桂性生不自今爲愛激清常倚
磬偏思追雅每援琴宮商嚼出欽僧韻長短敲成怨
我吟早是雲曇多腐士一般跌坐有同心

有懷堂集 卷六
蕭寺疎陰縱我狂拚將心氣引清涼內園意味隨時
澹上國風霞任日長不學無成勤聖念因心得範勵
天良病中漫恃藥籠滿空對丹書負大方

四

盡日驅情謝俗膺嘆山落落本無能同聲未暢蘭芬
眇道氣方嚴梅味冰難譜古音通近世且叅靜偈伴
廉僧等閒忘却愛憎事碧海雲天知幾層

圓圓詩

四首 巳亥

誰剖元苞近括蒼西崙逸興泛荷觴慧心已許澄新
覺腐眼那堪問古方天老龍胎飲赤海客清鷄卵卧
扶桑夜來醉擁蓬壺倒疑潑璇圖滿案香

二

璇圖環案星環杯早是星羅共薦陪摩月偶追江上
韻譚天忽誕坐中才壁間合影能函鏡球裏聯身欲
證臺怪得迴聯弄意巧梅花盤內賦詩回

三

梅花盤上雪同旋五出擬圓六出圓石寶飛甌連玉

有懷堂集 卷六
峽珠醅湧甃引甘泉鳳團茗瀹魚團味蚪圈筆開雁
圈聯却喜芙蓉清蓋好盈盈光度檠中懸

四

檠光飛度看游龍客坐蜿蜒轉轉重酒酌似應瀾海
口詩瓢真欲注雲容一團雋致合園澹千匝曲觴對
友濃霜冷不知麴渌老畫圓枝上日相逢

送鄒眉雪先生

二首

詞源曳練傲江澄賦得離歌攀莫憑已有文章光蒨
甸更無意氣踰蘭陵王庭高唱看雲起賓館雅酬問
月登別後追陪情易迫皇都端俟和穩興

二

傳家鼎翰噪皇墀著作空蒼聖檜枝文範咸宗鄒子
篋道型雅重董生帷澹園霏玉園增澹眉雪馨珠雪
映眉目斷離旌無計挽懷人時誦龍門詩

舟中秋興

四首

戊戌

蕭森氣色任迎舟好對霜花賦素遊碧海初消白石
冷黃河終繞故陵愁雲生楸嶺啼過鳥露滴沙灘逐
遠鷗景物蒼涼何處盡爲尋高士步南州

有懷堂集 卷六
何來蛩語響凌波煙水鴻溟暗迭跏玉露暮砧棲皓
月金風晚葉潮黃河龍池不起三秋桂蠹編先延萬
里蘿寂寞瀟湘真有泪白汀紅蓼上寒簑

三

西風漠漠幕河陰寒澗霜淩白鷺尋詞賦合違信巧
拙文章得失悟浮沉航游桂渚雲迷古棊嘯蘭溪月
湛今莫謂冰絃清角異秋鴻饒有鳳凰音

四

月印長河拂碧梧天空木落一舟孤戛媛夢斷嗟金
鏡旅客愁深唾玉壺往矣人將悲歲暮淒其吾欲賦
秋徂薰葭一片清冷色統作黃濤白帝圖

分水龍祠

二首

澄湖片璧鎮龍晶坐督分流眼倍明一水沱嶠沿海
渡兩涯遶泗滙江行無私信順昭南北有主公忠別
去迎莫異梯航萬里至長河千古戴神京

二

沸泉洶湧亂潮文灑作腹邊兩道沅漕使幾年通外

庾河臣千載，飫中軍。非關飲馬源，先合自是行龍浪。
早分次第水，衡神智渺區。流端視祠頭雲。

金山寺 二首

中流一柱鎮，飛湍積翠連。濤佛面安勢，插地天渾覺。
小道臨南北，不知寬孤巖。萃嶺入圖妙，四注空濛着。
筆難日暮，置身金闕上。振衣括盡浦江寒。

二

江上殘潮戴石帆，嵌空覺路供危巖。幽生裴洞毒龍
衛蜃捲呂祠，海鶴銜峭壁。文章燦墨碣，虛堂化物叢。

青杉大觀第一名泉，冷遍吸遊人唾玉函。

惠山泉

江潭汨注滙名泉，無二品題騰有年。隱洞遙連中冷
渺飛湍，邃沸廬源偏山澄。沙井汲金露，寺坐浣池溥。
錫煙况是酒鑪茶供滿，惠山分得許多綠。

海口遇雨

涉波宿雨瀉雲根，爲洗征輪浪裏痕。笠上滴珠咽白
石簔間溜玉浮楊村鯨風不逐新霖老，蜃霧偏催故
楫昏。自是船頭多海氣，淋漓蒸變待乘鯤。

海船東望

蜿蜒龍氣海雲東
櫛密桅幡拂碧空
舶艫千行驅蟹
谷舳艫萬隊引蛟宮
動飛金矢疾流電
靜鎖鐵橋穩
搏風材濟鹽梅稱
巨楫應推靈運到天中

天津泊舟

聯艘槎尾隸河濱
不是魚鱗是鰓鱗
三水舟城雄海
市一天篷陣屯瀘津
片帆暮捲前船滿
細雨寒分後
掉巡何物吹來鄰
舫韻書聲冷冷誘人新

村姑航汎

楊柳瀆閨野興深
團團泛艇醉河陰
山川未辨旅官
掌雲物先羅遊婦襟
土鼓風流難罷舞
村醪春色易
斜簪情知不厭歸
來晚笑語船童拍暮吟

過獨流淺

繁心一任付流沱
坐對萍花閒興多
白浪雙舸載冷
月蒼崖萬葉酬寒
河水龍曲動琴空
引天馬歌飛劍
自摩剛起讀騷客
意散頻將行眼打青莎

宿流河驛

興餘漪閣剩清思
好住蓮舟試問奇
孤鶩舊還驛路

有懷堂集 卷六
古野鷗新報河根移兩崖翠樹雲中落一枕黃濤夢
際追怕逐曉煙擎掉蚤放歌漫與水心期

滄州河中

時歌童小艇迎候

盡日南舟問小伶歌兒昨夜過磚城迎帆響送合龍
竹拂纜風吹分蟹筮曲度流雲回浪緩舞翻征楫去
槎輕盡船簫鼓憑誰壯魂醉滄州河嘯聲

越東五君過舟夜話

海渚晴霞隸紫氛何緣舸上侍諸君越東飛驎方空
漢溟北旋鵬素翼雲濁酒瀝肝星五聚繁絃擊玉浪
千紋論心莫限風吹燭夜話鄰船喜共聞

泊頭夜渡

操舟不至憶殘程寒泊遙遙遠處生遲浦晚催河變
黑急波夜溜月移明坐來一片空冥色祇聽三更昏
浪聲豈是宵行真欲暗放舫偷過錦州城

水中雁字

誰將瀚海印星文鳥篆離離拂浪分波折遠聯河漢
序風爻忽動水天群六書倒瀉佞毫雨雙翮斜鋪墨
泝雲洒落秋江歸影晚烟寒羽縮溜蒼紋

清源停纜

拚得臨臯拂纜斜水門格格逗前沙已聞作客還憐
客忽見過家郎擬家兩地榻懸驚駐夢蒲舩旛偃靜
行衙也知春放無竒賞較念清淵古漢花

贈君焱社長宰博

博陵古甸來神君世系清馨接署聞十七里懷齊鴈
澤百千民頌漢鳧芬學逢得地快朋志績奏爛天光
社交誼切觀風今日事挹清常拂嶺頭雲

泛舟永壽寺壁韻

爲洗暑繁問益撓上方樓殿幾曾遙雨臨墻地河浪
驟雲罩中天塔影嬌堤曲穿廊猿舞岸閣峰逼漢鵲
飛橋水門漫度歌聲遠早是歸舟引鳳簫

濟河逢丁松園年翁聯舟二首

再逢濟水意何親聯舫端端俟德隣唱掉動携秋鬢
客追帆偏近故心人罇開漁火偉標引坐對龍杭逸
彩巡莫伴散舟遲歲月宜春花裏待行春

剛出閘藩停纜斜參差鳴雁問前艫休教興淺孤塘

柳忽報秋深合浦花
汶水風回晨候岸
蜀山月出晚留衙
丁丁求友長天色
爲愛齊飛看落霞

遊南旺湖

百折潺湲對蜀漩
汶陽洪澤滙南偏
桃花澗漾碧波
柳石笋澹堆赤綺
蓮林外鳥飛驚鏡
度湖中山影訝
屏懸不綠遲客來
登眺悞認菡蒲萬
葉泉

次松園年臺遊湖韻

後先分注片湖天
暢似變歌學採蓮
鳥下波光忘獨
興花開木末解
同憐秋帆浪逐
芙蓉澹客艇愁
紛荷葉偏得侍
長河遊未已
不須過計買
酩錢

秋日過黃河理棊漫賦

是日大霧

黃河東去霧漫漫
坐對楓林笑敝冠
沙塢白魚隨浪
渡霜城
佗鶴傍溪寒漫歌
羽化思歸引好譜
清商行路難
纔指擣衣秋弄罷
幾回流水不禁彈

舟中十四夜月

桂魄初團寶未華
芙蓉一朵進清嘉
波光荈瀾搖搖
蒲鏡彩欲收
畧畧斜莫使興孤
憐兔影卽教秋燦
闔蟾霞當空解得
猶遲照爲愛盈盈
度舫賒

舟中十五夜月

秋光昨夜送舟明，纔度一籌分外盈。
河影搖樽飛玉鏡，斗芒斂幙淨銀屏。
乘風高句憑身躋，醉月逸篇任世輕。
一夜船牕戎昱興，遙遙跂望入雲橫。

季秋遊瓊花觀有感

榮華千載竟誰延，自是瓊根托後賢。
每嘆徒留玄萼影，何來空摘玉株仙。
春迷故宇傳辭艷，香襲遺臺過客涎。
寂寞虛觀剩有悵，花生雲夢妒人憐。

亥秋會場畢同文宿南旋遇砥瀾北上感賦

霜湫冷灑逼征裝，爲報秋風散曉涼。
露滴寒流猶帶白塵揚，新步渾宜黃聯驪。
慕昔齊張范分軌，嘆今別李王。
俠骨逢時原自冷，好將秋信付驪驄。

亥秋歸途遣興十首錄六

迷蒙楓影護平臯，古道西風嘯旅騷。
河浦客瓢行處轉，山推竹輦坐來高。
佗都獻賦纔疑馬，黃徑觀花先問陶。
興發天曇雲際落，秋英畢畢注行旄。

二

有客在途迅驛那，長安走馬夢中過。
十年一第學真

少四載千人才孰多
鬪口惡聞驕白雉
工眉豈必藉青螺
晚風熬得秋香艷
醉入黃花一隊羅

三

玉露淒清氣爽妍
目窮天外緩征鞭
傲心獨降溪雲後
冷骨時親嶺月前
鶯舉依霞問起落
雁飛排字看中邊
秋光可意堪回嘯
原草含青帶曉煙

四

誰唱離歌入翠微
霞生旅夢散秋暉
行雲雲外依雲起
卧月月中伴月歸
鱗甲動風鯨力舉
翰毫瀉漢鴻文飛
仙盤况復多新露
爲愛征人一染衣

五

欵山冷水賦行行
天地大都一旅情
幽意動隨秋意渺
愁心偏逐客心明
月中方覓蟾蜍藥
嶺外忽飄鸞鳳聲
解得前途爲報客
幾人木李幾人瓊

六

盡日策蹏到夕曛
山川雲氣幾平分
與豪僂指風前酒
心冷莫評秋後文
猛憶鶴來句欲舞
恰悲鴻去曲留雲
前峰易動登高望
碧草黃花在在焮

徐河橋上望易水

徐冷景色引情瀾似見風蕭水氣寒
遠勢每從烈照落微波故逐浩流殘
非關志激懷竒水豈是心秋問古難
易水千載渾不易蒼茫目斷老河干

定州道夾清風明月戲占

秋霧垂垂浮定湫風流端爲此州
留前途明月迨予望後陣清風送我
遊風月籠天兩處美清明匝地一時
周不須輿籍觀謚盛邨店芳名類可
求

燕晉山連形勢

山勢迤透彎復彎竒逢嶽布迴相環
峰臨恒麓天畿制岱統霍牙禹甸刪
西顧近屏擁半壁北瞻遠峙引千山
燕頭晉股回龍勝疆吏何由界固關

栢井道多石

山路巉巖帶瑠衍行難嶮道重今嗟
垣途日闢徧徧阻磽徑時違故故斜
往矣終將歷石骨過焉匪且磨山牙
栢郵不是煉媧井那得飛來遍地花

贈吳子聲山人

吳門吳客軼吳群江杜石蘭差似君
歎管倪玄清潑

本懷堂集 卷六
霧顛毫米芾墨騰雲題紈早度花光滿對酒長吟秋
水分應嘆仙才如子晉欣圖把臂扣嚶聞

客送畫眉鳥賦贈

睨晚好音出上林畫眉人去屬文禽吟餘鳥嚙嬌啼
細坐久籠翻彩羽深早悟鶯聲投別韻應知雀喜話
離心誼高羽翼客憐靜故喚新窻破晝陰

荅介長褐年臺

才名簪駁許匡王黼藻皇猷此日長十載追風依古
道一函潑露滋新涼芝從蕙結連東粵玉藉石穿貫

太行千里因親遙意會多君特洽與周量

送李岷瞻年臺並謝手卷

墨綃龍鳥隸形新秋色仍留暮色春興發天才雲際
濶光分道氣掌中申雄踪纔擬客逢晉高舉蹶悲路
隔秦誰唱離歌渾不住漪雲閣上幾曾親

旅酒同文宿話舊

汾源湖派昔同芟出落萃群托後來古道照人皎月
冷時情違物傲風催眼前盡地知誰是頭上安天任
爾裁餘話深杯明滅影雁聲啣意度秋哀

安肅早發

晨霧靄靄占客衣公車物候比年非秋英乍擬春英
瘦煖露忽增寒露肥艸轉朝蓬回力健馬嘶曉漏去
蹄微安侯繾綣維驂意爲待秋風遄我歸

真定道中

平楚天空一望迷秋霏霏霰上銅鞮五城雲澹伸眉
異千里風蕭撲面齊沙路馬蹄冰歷歷煙村人杳樹
淒淒前陵漫稅征車早淖水流漣送客西

途中問菊

澹園秋色何爲平逸藥屢從道上呼蘊采未章待露
試含英將溷倩風扶後先敷紫紫常滿次第分黃黃
欲鋪共點疎煙醉客眼暢予早譜籬邊圖

贈玉鑑上人

蘆穗悠悠溯海深萬緣覺盡鎮曇林夙傳妙悟通三
際新發神光湛一心雲裏袈娑明祖意雨壇香雪譯
玄音合推石屋禪機渺指月班中次第尋

澹園友贈雙鶴漫賦二首

瑞起緱山看並飛仙風縹緲逗清機海嶽渥豔堆硃

有懷堂集 卷六
恰江練澄虛澡雪衣
唳徹曉天和露墜舞翻晴影傍
雲微乘軒剩有雙棲羽會引西園鸞鳳歸

二

海孕英雛萬里沙修翎濯濯符南華
聯飛擬作垂天翼獨立能擎一柱斜
已向九臯浮碧響還從三島御
丹霞良朋珍重和鳴志爲報鶴陰放遠衙

霍泉咏

石乳橫開三徑幽靈泉何地不名流
神棲泰宇非遊騎氣鎮中原可執牛
水際青蘋閒泛泛雲遶白羽任
悠悠捫蘿四顧空凡眼獨憶封巒有肇州

長安卜寓

春苑棲枝到處違帝城雲塞拚低飛
半賓作主家還是全客稱官戶已非
殿號銀鞍馬上轉屋題金縷輿
中歸萬間庇士懽顏近可似龍門多靜扉

邸中酬雪

瑞壓長安古諺迷玉龍甲卸郢中隄
山川圓缺隨形補日月晦明倩色齊
畏涅素姿精化液羞遮白眼魄
還泥風流羸得春曹興散作沽衙署徧題

冬日寄懷汾亭

三冬重度歲寒芬別後霜思又到君鄴館雪從眉上
結漪園冰自澹中沄字成晉魏引銀畫書著聖賢釐
石文邸夢江南渾似近心旌長拂嶺松雲

除夕有感

歎冬客裏送年霞底事搖搖未已嗟歲老欲除除日
恨時過難夕夕間花愁翻夜酒驚新露夢潑曉煙別
舊茶隔宿梅樁侵柳色可能一道放春華

都門春曉

青綺城闈曙色濃東皇汎濛翠煙籠漢章日麗千門
曉夏斗風宣萬國雍迂煖貂褕羅碧輦轟陽羯鼓亂
黃鍾鴻都春意祇今最不數瀛洲第一重

清明飲金魚池戲客落帽

魚滿習池客滿茵柳堤狂興醉芳晨歌殘鷺下衣先
舞坐踔驚飛弁早輪豈是秋嚴風落帽果然春妬水
淪巾斗盤轉轉波心注笑指朱鳶斷綵綸

韋祠看海棠花過門扇觴於牆東

迷離春色指韋陽紅籟雲生旒短牆已信無香全睡

黛還憐有艷半
靨妝花思閉戶
延妃賦樹待穿垣
慰客觴偏是惜春
人易倦海棠枝上
憶新裳

巢雲上人拉遊西山未果

何曾一造名山遊
纔說名山遊已休
西枕翠微拱帝座
北連天壽浮王丘
層層梵刹圖中遇
累累雄巒巒裏周
悟得老僧指點處
幻身雲岫總蟬蛻

荅若園社台邸中詩韻

賦重都門引浩歌
紛紛詩律聽觀摩
雁銜逼漢裁雲迴
鶴羽翻空對日傜
和曲無絃琴意短
啣盃投句酒情多
知君饒有文園興
長浪於今看瀉河

荅子霞毛子贈詩

玉蘂花前僊已過
悵然云望欲如何
飛來瓊句啣榴笑
淡去逸姿和菊那
南國勝遊蹤恁少
西園遐憶夢徒多
不堪病放酬知己
慙媿毘陵一曲歌

暮春簡三年台携遊休糧山依胡太守韵 二首

高山仰盡問同流
知在磐巒第幾頭
往矣君將遺雪韻
過焉我且向松酬
馬蹄歷歷邱沙古
石骨峻峻拂劍秋
不道並駮尋勝處
肯餘方折遜前遊

有懷堂集 卷六
二
峴峴名山攄上流
捫蘿徐入探壺頭
虬枝偃蓋迴龍
對石竇飛梁舞鳳
酬興發天曇露帶
曉香分櫟葉雨
含穉良朋珍重問
竒志指點峰前傲
漢遊

荅古閩林子手卷索詩

二首

技檀琴畫

石闕題名夙著林
風流端俟播徽音
神遊太古鳴鴻
峻興發雲煙帶雁
深早有清標
攜道氣更披雅韻
度靈心長函一任
淋漓滿共向堯巔
譜大吟

二

英華濟濟襯芳林
步出參同叶妙音
無色不從筆外
遇有聲咸向指前
深憑陵天地生
高興約畧水山悅
素心我亦時枯滄
海曲虞絃孰似水
龍吟

和河內董子贈詩元韻

二首

逍遙白社傲塵容
洛市高吟驅釜鍾
道範曾經汾上
指師衡雅備豫中
胸才兼忠亮思卑
翼德號通儒故
鬱踪霜冷水壺清
味結雪花汲引唾
瑤重

二

策畧寧徒取世容
惟源功利鄙千鍾
篤行早見同坊

表華蘊還聞判腹胸笛奏雲和尋異響曲終西幄導
竒踪長吟董父龍篇在逸氣蜿蜒逼上重

和覺老海棠冬開韻

海豔衝風鬪色新竒舍跼萼漏先春祥纏紫蕊凝鸞
詰瑞起彤英兆馭神氣化難拘早有象苞胎易縱豈
無因花光並洒丹文上一路紅纒耀錦綸

送石者范子雪天歸試

嶙峋中璧共連城得侍同門望不輕鳩集方忻烘日
興雁回忽唱云復寒行千層玉壘雲啣澹十月銀條雪
報瑩此去詞深冰鑑徹高高寡和看流清

送自忱董子雪冬旋里

合成冷豔歷高岑路馬競競凍色侵自擬斟蘭陪玉
署誰令剖竹按冰陰西堂旅興銷殘雪南國鄉心試
早簪不必陽回方引旆春風幕裏悵清音

和覺老十月雪韻

華表皚皚一夕成俄粧玉界褰乾清方憐鶴雁迷銀
海更苦蛟龍混素晶聖閣猶多圖粉本長巔絕少點
蒼精幾回雪渚纏梅夢惹出詩魔在在驚

梅雪咏

無端冷片縱翻飛瘦盡冰魂埋盡輝
遜白誰從兩意妒輸香窈歎一心
嶽騰來素骨疑羨聖消去寒顏訝
肉妃好會殷勤酬好句座中倒筆任沾衣

梅蘂十首錄二

笑指同心恰半含天然秘地護中參
龍涎漫吐幽香聚懶臆終融凍蕊
涵點點臨風搖冷灩絲絲弄玉逗
春嵐檀心未肯隨時態盡日銜珠不許探

梅萼

落落孤手還冥冥梨花同夢別雲脚深黃散采鬪精
神紫絳盤鋒看綽約綠映仙人曾署堂紅推妃子早
名閣沿尖妙出隙光英快覩人間擎玉萼

雪花

十首錄四

難將巧慧問天工臘瓣寒芒處處同不遜梅英多剩
穎常卑柳絮少餘莪六陰雋氣沿尖出一脉嚴風戴
萼融玉蘂無根葩轉豔相逢瑞事滿函中

雪片

長空凍甲妙翻飛道是翔鱗却又非切玉方驚寒葉

瘦翹毫忽悵楮錢肥輕稜撻疊團花落皓羽裁成禿
翼霏羨爾風塵絮未浣瓊膏薄削故難晞

雪珠

撒鹽何自混彈丸拾得珠璣一色寒似有霜輪飛冷
粒差無水亦斲晶團強呼桂粟未云白謬指珊瑚精却
避丹顆顆瑤玫瑰玉屑生成元氣郢中看

雪影

迷離積魄冷光搖好是前身氣正驕虛照白猿浮古
鑑煙含素女照新標絮成琅豔瓊臨壁亮發銀輝月

帶潮映韻無煩頻就曙而今寒燄燭天遙

懷鄒汾亭年台

蓉湖澹澹湛銀屏悵望澄如汾上亭憶昔茅壇留皓
月只今蘭渚淹明星慎言著去更何錄諸註集來想
盡經理學崇弘移化遠峩嶷峰外亂山青

荅客山途東刊彼我集唐別句並索新作

選句如鱗客路招期將古豔發新瑤狐聯千腋驚符
馬豹引一斑訝混陶六代精華追合管三唐意氣動
離飄漫勞採勝學山語別草蓬蓬日就蕭

和石年年台移札有感

已從汀水攬清潮佐郡還同理故綃駟道新開元路
坦鴻書特寄馬江遥漢庭奏績能無咎燕市論文豈
過驕獨是當年蒙氣色平流天上竟難邀

贈朱喬三年台登第

石關題名推世家天臺擲賦歎春華文章映碧三蘓
月著作空蒼二陸霞化雨早開書帶艸傳燈遲送玉
堂花淵源文學宗工遠咸向朱門印白沙

途谷五君子見懷詩韻

風雨鷄鳴戀舊壇離群雁北笑無端啣杯已快伯言
是抱璞還欽洪客難駕月槎踪汾上遇停雲柯氣山
中看懷人千里鱸思迅郵什先邀覲面歡

重九澹園集飲卽事

九日尋秋托遠臯推斑逐與信人豪詩從刻底聯分
寸酒自盆頭較忽毫畫意移綃且翫畫高情易地更
登高東籬不許等閒老好護霜姿待醉騷

舊店早發

登車望柳柳全斜早度京西第一家帝子龍城方過

有懷堂集 卷六
少旅人歇舍故驚賒遲遲客意憂前夢歷歷馬蹄厭
後沙學步長安渾未住塵揚廿載放行衙

再宿高碑

高碑客氣動秋氛旅帳移來隔夜聞但使僕夫能走
馬悔教童子學鳴蚊過焉柳色依雲合往矣籬光傍
嶺分媿我閒情偏作賦一停再宿亦詩云

住安肅懷陞令聚五年台

慣引浮踪今又南歸鴻依舊露閒氈違天宿宿終瞻
五計日朝朝始報三野渚流稀懷夙澤煙峰翠渺隱
鮮嵐逢八盡道前侯好正奏源書入御函

憇方順橋

客路勞勞賦短亭溪前草舍掩茅青塵牀豈必繩胡
榻旅簋何妨任土斲畏寢凭牕托愛月思行按馬學
觀星隨書若紀歸來次方順橋邊第四經

慶都道雨

征衫濕濕點新斑憶昔還霖霖又還翠滴妍眉明近
柳青開故面見遙山燥心已自秋前冷澹意還從雨
後間不是依稀聖母澤如何屢潤贈行間

有懷堂
卷六
歌定州贈君實年台

旋車欲稅問何遷擬向中山一過焉
雨意方停客意懶途情纔定
友情連才餘守牧君稱晁職任行夫
我曷先試看乘驄董父去往來古郡
予猶然

新樂道霧

覆覆濃霧蔽征車千里昏銷九月初
暝色多從愁裏過暗形偏自客中餘
行空漫詫迷駟迅坐晦徒勞出
豹徐妄意歸驄占海氣也當雲陣護騰虛

宿伏城驛

只今驛舍是前程盡日送書問小伶
霾霽暘暄鳥喚語人來車動馬嘶聲
郵花不解供君笑店卒偏知向客迎
但得殷勤過一夕帷開到處寄行城

獲鹿道中

獲鹿城邊倦客遊客遊賦倦倦思留山
如熟識時擁案水似重逢屢傍洲
淡日高低連過影輕氛遠近亂行眸
那堪久道秋風老應與田翁笑莫愁

固關 二首

峭壁崑崙引石根擘風橐氣畫崙門
峰連天半雙蛟

有懷堂集 卷六
鬪勢插雲中孤鳳吞險蔽三關
增外戶藩通九疊護中閣
天然形峻職方賦媿我征人
剩墨痕

二

礪劄峯起倚天嶮勢鬪雙蛟
一徑牢馬向石中行處
轉車從闕裏過來高全山
四塞擁行嶂半嶺中分獲
九臯應是當年設險意平
荒鎖盡奠函鼈

過平定遊峪園

二首

園額平疇

拚將澹意醒塵裝快領平疇
異苑香大是舊風多逸
榭更饒新韻對奇塘途中
丘壑全靈璧馬上煙雲盡

辟疆一自名園看竹後移來
脫稿注行睚

二

偉人氣格瀉奇幽斷岸斜飛
松與樓矮逕惟親謀野
客高亭適過問天儔叅題
詩洵予着比較煙嵐共
我求道次攜來無限景全
收異蹟在平疇

仲春三日同人祀

文昌畢雨中過澹園聯韻

化雨霏香頌錦城移來明信
祝枋迎闈題忽兆糊鱗
制次句仍開塔雁情翰洒
詩騰粉壁亂觴飛曲度玉
堂清聯驪快起雨花社共
向春風醉裏行

都門郊外看海棠小飲

上國棠英艷上林麗園走馬快追尋晴開絳蕊雲霞
動脂度紅暈雨露深鄴下風流新蟻綠長安春色舊
貂金樽前爛熳花魂折敢謂偷閒學醉吟

上巳攜朴菴飲金魚池

偶從修禊坐魚灣竟日移樽逗客閒濯面方思除舊
漬振衣早欲拭新斑鍾陵雲氣吐吞際玉殿星華遠
近間豈是永和嚴醉賦飄來長嘯在西山

同半石琢如世兄金魚池讌集

環橋曳水小塘東縹渺遊人依樹紅鳥度星高青漢
裏魚窺渚淺碧欄中良昆拇陣豪方盛妙會歌筵興
轉雄指日才華欽供奉追隨應羨長卿工

荅瑞芝道宜年台昊天寺韻二首

幾時客路傍吟窩入夏初拳四月蘿瑞範應推金鳳
少道衡雅重孫虬多非關氣盛從燕歎爲許誼高列
衛歌上國應求欽照胆比肩在在與長陀

二

扶圓妙緒响蘭窩散點花香引佩蘿向日翻書賸日

有懷堂集 卷六
近舞山走甃對山多吟哦旅子烟霞會笑語間臣雨
露歌見說輕炎僧舍好阿青兩兩供詩陀

遙輓九疑先生

道韻天悠信有餘還從天上歷星墟傷離意訣三傳
鼎問舊心灰一紙書不使功名垂駛界偏隨罪案暴
龍居遙聞逸氣臨風落應惜河汾陷大車

炎暑若園仲宣過訪次韻

南山暑氣連雲濕快引窻薰一陣長徙冷唐人多押
管驅炎高士兩枝廊風生羽扇幽堂靜翠襲瓷牀水

洞陽襴襪不繁爽候足延歌醉月露零香

夏日社集卽事 二首

不道疎籬但閉關興來促膝且偷閒近拈黑白消冰
色遠酌醲清點蠟斑古拍輕翻喉曲細新芽快度肘
風飄雄譚一日足千載好句今從別樣刪

二

飛來逸句逼空霄珠氣瓏瑤暑氣寥儘有宏辭騰制
策差無屑語贅詩瓢珊瑚坐上山川韻葳蕤臺前雨
露漂只此錦帆樂府酒與君响答醉今朝

有懷堂集
卷六
七夕讌集得真亭和韻

珠子亭開客徜徉况逢河渚接新涼林中七子栢啣
翠漢外雙星鵲度香賴有歡情競巧句慙無雅調賡
清簧等閒讌集騷朋滿漫奏園詞入醉鄉

中秋范師台壽筵

嵩峰扶地接仙巒瑞結堯雲入座寒一代人推新老
子千秋名重舊胡安香分桂署芽初紫氣轉松門粒
已丹共道中天明月好光華長對玉壺看

菊飲得黃字

四首

時同江右張君咏也

不闕花間一例黃湧來澹意共啣觴餐英漫詫人無
齒咀韻方知菊有掌抱節遲遲明潔雁含章冷冷萃
疎凰延年剩有玉山色贏得秋容到處香

二

爲浥白衣只羨黃平收晚艷入歡觴呼名已似宣蘭
味領氣還疑倩杜裳耐蕊難消蒙石翠堅稜不挫秘
金凰誰將茸谷分江彩豈類焄焄木樨香

三

披叢孰與薦濃黃花氣輕追動客觴韻冷離陽思縱

存懷堂集 卷六
飲汁茸谷水欲重嘗蓬深不下經霜護幕隱終開戴
日凰我爲有情消未得籬園故故解憐香

四

露下風高菊艸黃楚英兀自逗閒觴猶能掠瓣啣秋
舞慣是舒心對夜掌亂疊芙蓉羞衆蝶雙吹合錦引
孤凰逸情喜逐白華後日暮煙飛送遠香

再飲澹園尋菊賡韻

醉裏尋秋曾幾逢可能菊澹住秋容分黃黃采疊翻
鳳含翠翠篇群簇龍南國珠衣襯鶴頂西園素恰綵

芙蓉競將好句旌籬傲露染霜花紫氣重

咏鶴限韻 四首

早從海外度群熟分得應求鳥籍讀每嘆獨留玄鵠
翰何綠四集白鸞腹長氎隱雨初移長禿翥翻風欲
放禿漫說同聲清味多西園仙背共流馥

二

爲愛乘軒剩羽熟放翁亭上移書讀項癯嗇嗇勝朱
冠羽絮妍妍供白腹八翼遙驚海翮豐孤翎不畏霜
毫禿寧湏水國覓翩躚只此雙雙雲氣馥

三

海天曳翅翅回熟聽樂會知上苑讀萬里神光矯雁
毫長年子夜飽鴻腹唳追月際播聲遐舞向雲門側
影禿况是清儀多羽儀斟蘭蚤飲玉池馥

四

曾伴綏山隊裡熟桃園應作龍門讀寒光常瀉度霜
翎皓色幾消裁雪腹問俗定疑羽骨癯鳴高孰詫靈
咽禿平沙有步晚風來帶得仙煙遶座馥

戊申重九同人登引峰次韻 二首

日月轟陽喬接日高詞吹落上清時紫英書奏霜妍
晁黃葉賦催晚豔遲無客不從峰外見有杯偏向座
中移汾陽臺榭高如在高在白雲亦在詩

二

不做桓公與孟公只今高躋引峯東論交十載追遲
雁比氣千秋譜健虹觴裏菊浮如客淡嶠頭詞瀉似
川雄笙歌漫祝明年會莫興騰騰正未窮

送毛子霞南歸兼賀季郎 二首

遊向天涯雲外身歸言依舊遠織塵才全不減文章

有懷堂集 卷六
素道在何愁天地貧澹寄常欽真寄老笏山應歎客
山新知君別後思無計但誦清風來故人

二

杜集陶詩繫此身銀鈎石畫更無塵風流不諱東陽
韻澹約寧矯南隴貧雲外久占雙鳳瑞掌中又見一
珠新敦倫教子家乘素肯貶心源讓古人

戊申臘盡送年觀火和韻

戀舊依依一歲中知君醉意我心通令傳盧采驚除
綠煙繡墨花忽報紅似影銀橋催臘燕疑堦鐵樹喚
春風歷陽夙有三都興把酒梁園屬客雄

元日讀若園詩贈跋二首

吐氣芳香襲盡欄味來元日勝椒歡黛溫酷似三春
暖潮冷逼真六月寒不作羨人羞艷艷窵踪高士委
珊珊風華應自梅椿老未許依違張緒看

二

玲瓏寶志嵌山中才子比肩豈漫同蘆雪外書驚點
雁溟雲別集歎垂鴻文章能久隆中遇晚節常尋霽
漢通臘盡春來騰有日而今逸韻半天風

澹園人日遺興

旦氣莘縈淑氣因競傳驗歲卜先春玉衡瑞啟圖中
日金縷祥開勝裏人夜護紫雲翻七葉朝垂碧霧盪
三辰明春此日知誰健好向人叢自律身

人日八友郊飲迎喜次韻

吉色環凝歲上天同人席地日初憐盈盈玉露和蘭
汁澹澹香風逼蕙烟鶯轉猶遲知凍陌花開欲早見
溫泉共將叶氣分醜色不道春宮有縵絃

上元擺八卦石燈因憶人日八友

二首

悶裏乾坤藉石鋪遊身畫外天爲徒衝開辟卦隨風
落補就明星對月呼燦爛寧須金庫燭光華肯道石
心無年來喜逐元儕後八座煌煌八友圖

二

誰分南北與西東位置光明法象同玉壘初巖驚石
碧金鐙合照羨藜紅一時嶽立千秋固八面提衡百
道通信是石友燔上際群膏午夜亮天工

元宵城頭遊人窺園偶成

城上春風依翠隈遊人徙倚竚春迴雲移火影窗中

有懷堂集 卷六
出天堦石旛檻外來上客自高擷勝賦平原忽動迓
仙催不知蒲圍蓬蒿落笑殺華陽一盼徂

元夕同人城遊偶遇祠前小飲復詣寧園看燈
南城樓上看元宵轉盼園林一徑遙風靜石鐙花外
射月高鐵樹眼前飄香迷倦屐雲停馭句引遊標鵲
駕橋漫詫笙歌似廣樂庭中孰是鳳凰蕭

上元後五夜梭榭同人酣飲卽事二首

石燄星明興莫灰遊人依舊見花開如澠酒瀉歌雲
送似蔓瓜飛火陣催萬點西迎欣秉炷八嶠東拱好

啣杯華凝露下瑤仙醉卜夜重登梭上臺

二

只今看別上元燈無限喧闐此夜乘地僻燭龍騰石
雁天高火鼠探金鷹郢中白雪當筵聚梁苑青樽花
下增好傍星橋延盛會暮雲深處影千層

壽開凡社臺八句

柱下蓬萊氣色新錢塘清冑映華綸堯夫夙鑑應千
載希老新弁方八旬臘燕臨風香遶席青鸞承露醉
宜春名高坐隱桑田歷咲問當年爛木人

有懷堂

卷六

